

balotar. Ier Francesco Orio, avogador, per esser stato a le biave, contradise; li rispose sier Antonio Trun. La qual parte se dia balotar a gran consejo; et fu presa di largo. Et il zorno sequente fo balotà a gran conseio; ave 4 non sinceri, 117 di no, 976 e più balote de si; et fu presa. E dita parte fu posta per sier Marco Antonio Morexini, el cavalier, sier Domenego Trivixan, el cavalier, sier Antonio Loredan, el cavalier, savij dil consejo, sier Marin Justinian, sier Domenego Malipiero, sier Piero Vituri, savij a terra ferma; a l'incontro sier Antonio Trun et sier Lunardo Grimani, savij dil consejo, sier Hironimo Capello, savio a terra ferma, con una zonta, che li provedadori a le biave non baloti; e questa fu presa. Et nota, *etiam* li provedadori a l'arsenal non pol far mercadi *etc.* (1).

119\* Fu posto, per sier Domenego Trivixan, cavalier, procurator, sier Antonio Loredan, cavalier, savij dil consejo, che havendo refudà li deputati sora le vendede, siano, per il mazor consejo, *iterum* reeleti altri tre; et possino venir do anni im pregadi, non metando balota; et oltra le tre per 100, habino *etiam* di la Signoria, di quello venderano, 3 altri per 100. A l'incontro sier Marco Antonio Morexini, el cavalier, procurator, sier Antonio Trun, sier Lunardo Grimani, savij consejo, et sier Marin Zustignan, savio di terra ferma, messeno che quelli da le cazude *in hoc interim* vadino a vender come prima, et poi si vengi a questo consejo un'altra volta per far mior deliberation. Parlò il Trivixan, procurator; li rispose il Zustignan. Et andò le parte; et l'indusia vense.

*A dì ultimo novembro.* Fo gran consejo. Et fato governador de l'intrade sier Francesco Nani, fo cao dil consejo di X, *quondam* sier Giacomo.

Noto, fono electi nel consejo di X, capi, il mexe di dezembrio, sier Bernardo Bembo, doctor et cavalier, sier Lunardo Mozenigo et sier Andrea Gritti, nuovo, el qual questo mexe va podestà di Padoa.

In questo mexe, a dì 18, in colegio, fo electo provedador sopra le diferentie tra li subditi di la Patria di Friul e subditi di Pordenon; et fu fato scurtinio, justa la parte presa. Et questi fono li nominati:

(1) In margine a questa parte si trovano scritti i seguenti nomi, che l'autore trascrisse poscia, meno la votazione fatta in pregadi, come si vede dal carattere più piccolo del testo, in calce ad essa: Sier Marco Antonio Morexini, cavalier, sier Domenego Trivixan, el cavalier, procurator, sier Antonio Loredan, cavalier, savij dil consejo, sier Marin Justinian, sier Domenego Malipiero, sier Piero Vituri, savij a terra ferma; a l'incontro il Trun, il Grimani. 8 non sinceri, 78 di savij, 94 dil Trun et Grimani; e questa fu presa.

Sier Nicolò Dolfim, *quondam* sier Marco,  
† Sier Sabastian Justignan, el cavalier,  
Sier Marco Dandolo, dottor e cavalier,  
Sier Polo Nani, fo camerlengo di comun, *quondam* sier Jacomo.

*A dì 21 dito.*

Facta la pruova im pregadi di colateral zeneral, in luogo di lo egregio Zuan Filippo Aureliano, è morto, questi fono balotadi, con questi titoli:

- † 4 Hironimo da Monte, *quondam* lo egregio Marioto, colateral zeneral, vice colateral, qual, poi la morte dil *quondam* suo padre, anni 12 servite in loco di colateral zeneral.
- 2 Il conte Vector di Martinengo di Brexa.
- 3 Domino Belpiero Chierigato, cavalier, fo colateral a Lago Scuro a la guera di Ferara, poi la morte dil *quondam* suo padre, morite ivi colateral zeneral.
- 7 Zuan Marco di Arzignan, colateral a Brexa, qual longo tempo *fidelissime* à servido.
- 1 Zuan Jacomo de Vil Mercha', da Crema, colateral, za anni 22, a l'oficio di la bancha zeneral, primo in ordine, con provision ducati 100 a l'anno.
- 5 Cosma di Monte, primogenito, *quondam* misier Marioto, colateral zeneral, fidelissimo.
- 8 Antonio Gislardo de Vicenza, colateral, qual za anni 29 fo mandà in Moscovia.
- 6 Francesco Duodo, rasonato di l'illustrissimo dominio.

*Dil mexe di dezembrio 1505.*

120

*A dì primo.* Da poi disnar non fo 0.

*A dì 2.* Fo, da poi disnar, audientia di la Signoria et savij.

*A dì 3.* Fo consejo di X. Asolto quel Alberto, ligador.

*A dì 4.* Fo pregadi. Et leto le infrascripte lettere:

*Di Spalato, di sier Alvise Capelo, conte.* Come dubita, turchi non corano su quel territorio, per certa adunation fata a li confini, con i qual sono martalossi; *adeo* si dubita, sì come si fosse in aperta guerra.

*Di Candia, dil Sanudo, capetanio e vice duca.* Come, a dì 15 octubrio, Alvise Sagudino, secretario nostro va al Chayro, zonse li, venuto con una